

Pferdeskopff/ ein Fischkopff/ grünlliche vnd Leibliche Farben/ zwö Edelsteinen/ daran ein Nix vnd eine Nixin/ ihrer Farben.

#### Die Zehende Part.

Waren acht Schützen in schwarzen Sammet gekleidet/ deogleichen Helm vnd Sattel.

#### Die Elffte Part.

Waren sechs Engel/ die waren Spilleute/ die hatten weisse Hemdder mit gelben schweiffen vnd Heidnische Harnskappen/ herrlich mit Silber gezirt/ vnd ihre flügel waren von mancherley Farben/ hatten weisse stiffelein. Hernach drey Engel vff braunen Pferden/ mit Silbernen Zeümen vnd Satteln/ weisse Hemdder mit Göllden schweiffen/ Leibfarbene Ermel vnd Hosen/ rote binden vmb den Leib/ Silberne flügel/ rot gelb vnd weisse Federn auff den Pferden. Weiter/ ein Engel auff einen weissen Pferd mit weissen Keyersfedern/ mit einem Göllden Zaum vnd Sattel/ ein weis Hemdde auch mit Gold vordremet/ rote binden vmb den Leib/ Göllden vnd versilbert Scepter/ Leibfarbene Hosen vnd Arm/ seine flügel waren vorgölde vnd vorsilbert. Hernach zweene Engel zu fuß/ waren gekleidet wie der auff den weissen Pferd. Weiter drey Engel auff weissen Schüffeln/ mit Göllden decken/ Silberne streuffen vnd Rosen darauff/ waren blau Kuntheit/ auff den decken gemahlet/ mit grünen krenzen/ darin stunden Engel/ die drey Engel zu Kopf/ hatten Silbere schürze vnd Gölldene Leiber/ rote binden vmb den Leib/ vorgölde flügel vnd Scepter/ die Pferde hatten weisse Federbüsche/ gelbe Zeüme vnd Sattel. Weiter zweene Engel zu fuß/ mit vorgölde vnd vorsilberten Scepter/ weisse Hemdder mit Gold vordremet/ vorgölde vnd vorsilberte flügel. Hernach der Mercurius auff einen Schimmel/ auch eine vorgölde decke mit Silbernen Rosen/ Gölldene flügel auff dem Pferd/ gelb vnd weissen Zaum/ weisse Federn/ einen vorsilberten Sturmhutt/ mit vorgölde flügel/ ein Göllden Köcklein herrlich mit Silber gezirt/ Leibfarbene Ermel vnd Hosen/ gelbe stiffelein mit Göllden flügel/ ein Göllden Scepter mit blauen Schlangen/ mit Göllden flügel.

FINIS.

#### Beschlus.

Diese Auffzüge/ hab ich darumb auff's kürzte vnd fleissigste Beschrieben/ darmit sich ein jeder Herr vnd guter Freundt wisse in die Kleidung vnd Farben zu richten/ wasserley gestalt sie gehabt haben/ was sich aber zertheilen sol/ in der Kleidung vnd Farben/ das ist an sich selber Augenscheinlich gnug daruon gemeldet/ so es aber ein jeder Herr vnd guter Freund/ von Farben aus Illuminiren oder Mahlen wolt lassen/ so mag er es auff das schönste mit Gold vnd Silber austretzen lassen/ den es an sich selbst schön gnug von Zeügel gewesen ist/ etc.

Bedruckt zu Dresden/ durch  
Andreas Morgenrodt. Anno 1584.